

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine F BiH", broj: 12/03, 34/03 i 65/13) i člana 6. Odluke o utvrđivanju kriterija za imenovanje članova upravnog odbora JZU „Dom zdravlja“ Jajce i JZU „Gradska apoteka“ Jajce ("Službene novine Općine Jajce", broj: 02/13), Zaključka Općinskog vijeća Jajce broj: 01-01-6-2128/18 od 20.03.2018. godine, Komisija za izbor u regulirana tijela Općine Jajce objavljuje

JAVNI KONKURS

za izbor i imenovanje članova upravnih odbora JZU kojima je osnivač općina Jajce, i to:

I. Dva člana Upravnog odbora JZU " Gradska apoteka "Jajce, i to:

- jedan član iz reda predstavnika osnivača
- jedan član iz reda predstavnika stručnih radnika ustanove

II. Opis poslova

Upravni odbor Javne zdravstvene ustanove " Gradska apoteka " Jajce:

- Donosi Statut Ustanove
- Imenuje i razrješava direktora odnosno v.d. direktora Ustanove
- Utvrđuje planove rada i razvoja zdravstvene Ustanove
- Utvrđivanje godišnjeg programa rada
- Donosi finansijski plan i usvaja godišnji obračun
- Donosi opće akte o unutrašnjem uređenju i sistematizaciji poslova i druge opće akte, u skladu sa zakonom i statutom zdravstvene ustanove
- Odlučuje o svim pitanjima obavljanja djelatnosti radi koje je zdravstvena Ustanova osnovana, ako zakonom nije određeno da drugi organ odlučuje
- Usmjerava, kontrolira i ocjenjuje rad direktora
- Rješava sva pitanja odnosa sa osnivačem
- Odgovara osnivaču za rezultate rada zdravstvene ustanove
- Odlučuje o prigovoru zaposlenika na rješenje koji je drugi organ, određen statutom ustanove, odlučio o pravu, obvezi i odgovornosti zaposlenika iz radnog odnosa
- Podnosi osnivaču najmanje jednom godišnje izvještaj o poslovanju ustanove
- Obavlja i druge poslove u skladu sa zakonom i statutom

Članovi upravnog odbora/vijeća imenuju se na mandatni period od četiri godine, sa mogućnošću ponovnog imenovanja. Za svoj rad članovi Upravnog odbora/vijeća imaju pravo na naknadu u visini određenoj Odlukom osnivača, a u skladu sa Odlukom Općinskog vijeća.

III. Opći uvjeti:

Svi kandidati za poziciju upravnog odbora/vijeća moraju ispunjavati sljedeće opće uvjete:

- da su državljani Bosne i Hercegovine
- da su stariji od 18 godina
- da nisu otpušteni iz državne službe kao rezultat disciplinske mjere (na bilo kom nivou u Bosni i Hercegovini) u periodu od 3 godine prije dana objavljivanja oglasa,
- da nisu osuđivani za krivično djelo ili privredni prestup, koji predstavlja smetnju za imenovanje na upražnjenu poziciju, u roku od 5 godina od dana izdržane, izvršene, zastarjele ili oproštene kazne,
- da im odlukom suda nije zabranjeno obavljanje aktivnosti na poziciju na koju se kandiduju,
- da se na njih ne odnosi član IX. 1. Ustava Bosne i Hercegovine,
- da nisu izabrani zvaničnici, nosioci izvršnih funkcija ili savjetnici u smislu odredaba Zakona o sukobu interesa u organima vlasti u Federaciji Bosne i Hercegovine (" Službene novine Federacije BiH ", broj 70/08)

IV. Posebni uvjeti:

- da imaju završenu visoku ili višu stručnu spremu odgovarajućeg zanimanja ,
- da imaju najmanje tri (3) godine radnog iskustva nakon sticanja visoke odnosno više stručne spreme na poslovima u okviru svog zanimanja,
- da nisu na dužnosti u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine F BiH", broj: 12/03, 34/03 i 65/13)
- da nemaju privatni finansijski interes u reguliranom organu za koji se kandiduju,
- da nisu članovi upravnog ili nadzornog odbora/vijeća u više od jednog javnog reguliranog organa,

V. Potrebni dokumenti:

Prijava na javni konkurs treba biti potpisana i sadržavati oznaku javne zdravstvene ustanove kao i oznaku pozicije na koju se kandidira, kratku biografiju, adresu i kontakt telefon.

Uz prijavu se prilažu originalna ili ovjerena fotokopija slijedećih dokumenata:

- popunjena i ovjerena Izjava (obrazac Izjave se može preuzeti u pisarnici Općine Jajce)
- uvjerenje o državljanstvu
- uvjerenje o nekažnjavanju
- ovjerena kopija diplome (diplome stečene izvan granica Bosne i Hercegovine nakon šestog aprila/travnja 1992. godine trebaju biti nostrificirane)
- uvjerenje o radnom iskustvu u struci (samo iznimno se prihvata ovjerena kopija radne knjižice uz ovjerenu Izjavu o radnom iskustvu u struci koja odgovara kopiji radne knjižice i to u slučajevima kada se ne može pribaviti navedeno uvjerenje iz opravdanih razloga npr. ne postojanje ranijeg poslodavca i sl.)

S kandidatima koji budu ispunjavali sve potrebne uvjete iz Javnog konkursa bit će obavljen intervju.

VI. Ostale napomene:

Rok za podnošenje prijave je 15 dana, a računa se od datuma zadnje objave konkursa u "Službenim novinama Federacije Bosne i Hercegovine ", odnosno dnevnom novinskom listu.

Prijave sa dokumentacijom mogu se dostaviti u zatvorenoj koverti u pisarnu Općine ili preporučeno poštom na adresu

Općina Jajce, ul. Nikole Šopa bb., Jajce

Komisija za izbor u regulirana tijela Općine Jajce uz naznaku

" Prijava na javni oglas u upravni odbor/vijeće JZU " Gradska apoteka " Jajce – ne otvarati

Neblagovremene i nepotpune prijave neće se uzimati u razmatranje.

Komisija će uz poštivanje principa utvrđenih Zakonom, dostaviti Općinskom načelniku listu uspješnih kandidata radi upućivanja prijedloga Općinskom vijeću na usvajanje.

**Komisija za izbor
u regulirana tijela Općine Jajce
Ismet Vereget, predsjednik**